



18
1786

Broj: 06-11-9494/23-4 Lot 3
Ilidža, 05.02.2024. godine

Na osnovu člana 70. Zakona o javnim nabavkama («Službeni glasnik BiH» broj 39/14 i 59/22), i preporuke Komisije za javne nabavke, donosi se

O D L U K A
O IZBORU NAJPOVOLJNIJEG PONUĐAČA ZA JN 128/23 – Lot 3

I

Ponuda ponuđača **PROTEHNIK d.o.o, Vojvode Radomira Putnika 118, Istočno Sarajevo** u iznosu od **16.400,00 KM** bez PDV-a, proglašava se najpovoljnijom, za **JN 130/23 Usluge revizije projektno tehničke dokumentacije - Lot 3 Revizija projekata iz oblasti visokogradnje.**

II

Ponuđač PROTEHNIK d.o.o, obavezan je u roku od 7 dana od dana prijema ove odluke ugovornom organu dostaviti uvjerenja iz člana 45. stav (2) tačka a), b) c), i d), Zakona o Javnim nabavkama.

III

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji.

Obrazloženje

Na osnovu odluke o pokretanju postupka broj 06-11-9494/23-1 i obavještenja o nabavci broj 888-1-2-317-3-294/23/23 od 25.12.2023.godine, pokrenut je otvoreni postupak nabavke za **JN 130/23 Usluge revizije projektno tehničke dokumentacije - Lot 3 Revizija projekata iz oblasti visokogradnje.** Ponude su blagovremeno dostavili SMAJIĆ-INŽENJERING d.o.o, Zaima Imamovića bb, Goražde i PROTEHNIK d.o.o, Vojvode Radomira Putnika 118, Istočno Sarajevo

Analizom ponuda utvrđeno je da je ponuda ponuđača SMAJIĆ-INŽENJERING d.o.o neprihvatljiva jer ista ne ispunjava tražene uslove profesionalne i tehničke sposobnosti ponuđača te se odbacuje/odbija iz tog razloga. Naime, ugovorni organ je Tenderskom dokumentacijom (tačkom 2.4.1 pod a), što se tiče tehničke i profesionalne sposobnosti, propisao da ponuđači trebaju ispuniti slijedeće minimalne uslove:

Uspješno iskustvo u realizaciji najmanje jednog ugovora, u posljednje 3 godine čiji je karakter i kompleksnost isti ili sličan onima koji se odnose na predmet javne nabavke, a čija je vrijednost minimalno 5.000,00 KM bez PDV-a, (Uspješno iskustvo u realizaciji jednog ugovora čija je vrijednost minimalno 5.000,00 KM bez PDV-a ili više ugovora čija je zbirna vrijednost ista ili veća 5.000,00 KM bez PDV-a)

Kao dokaz o ispunjavanju naavedenog uslova je zahtjevano da ponuđači dostave: *spisak izvršenih ugovora u posljednje tri godine ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine, sa potvrđama izdatim od druge ugovorne strane o uredno izvršenim ugovorima. Potvrda o uredno izvršenim ugovorima mora sadržavati sljedeće podatke: Naziv i sjedište ugovornih strana ili privrednih subjekata; Predmet ugovora; Vrijednost ugovora; Vrijeme i mjesto izvršenja ugovora; Navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.*



Ponuđač SMAJIĆ-INŽENJERING d.o.o. je na strani 12 svoje ponude dostavio potvrdu izdatu od EKO-REM doo kojom je navedeno da je imenovani ponuđač uspješno realizovao Ugovor o inženjeringu tj. uslugu revizije projektne dokumentacije kao i uslugu stručnog nadzora and izvođenjem radova za izgradnju MHE "Jabuka" na rijeci Kolini, ugovor broj 05-Ug-01-18 od 16.08.2018.godine.

U potvrdi je još navedeno da vrijednost usluga iz navedenog ugovora sa uključenim PDV-om iznosi 17.720,00 KM. Također je navedeno da je usluga izvršena u period 16.02.2018.godine do 16.01.2021.godine. Imajući u vidu činjenicu da dostavljena potvrda glasi na usluge revizije projektne tehničke dokumentacije i nadzora nad izvođenjem radova i da je kao datum realizacije ugovora naveden datum 16.01.2021.godine utvrđeno je da dostavljena potvrda nije prihvatljiva jer se radi o uslugama koje su realizovane prije vremenskog okvira koji je zahtijevao ugovorni organ. Naime kako se revizija projektne dokumentacije vrši prije početka izvođenja radova nad kojima je vršen nadzor jasno je da usluga revizije nije mogla biti okončana 16.01.2021.godine već se taj datum odnosi na okončanje usluga nadzora. Obzirom da se nadzor ne može smatrati uslugama koje su iste ili slične predmetnim uslugama konstatovano je da ova potvrda ne predstavlja valjani dokaz. Ukupna vrijednost ostalih dostavljenih potvrda iznosi 4.411,51 KM bez PDV-a što je manje od zahtjevanog iznosa od minimalno 5.000,00 KM bez PDV-a.

Imajući u vidu navedene činjenice utvrđeno je da je ponuda ponuđača SMAJIĆ INŽENJERING doo neprihvatljiva jer ne ispunjava kriterije za kvalifikaciju privrednog subjekta po pitanju tehničke i profesionalne sposobnosti ponuđača koji su propisani Tenderskom dokumentacijom.

Obzirom da je ponuđač PROTEHNIK d.o.o ispunio uslove tražene Tenderskom dokumentacijom i da je iznos dostavljene ponude u okviru sredstava planiranih za predmetnu javnu nabavku, Komisija je utvrdila da je za ugovorni organ ista prihvatljiva te je predložila Općinskom načelniku donošenje odluke o dodjeli ugovora ponuđaču PROTEHNIK d.o.o. Na osnovu navedenog odlučeno je kao u dispozitivu

POUKA O PRAVNOM LIJEKU

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u tri primjeraka.



OPĆINSKI NAČELNIK

Nermin Muzur, magistar uprave

DOSTAVLJENO

1. Ponuđačima
2. Služba za komunalne poslove i infrastrukturu
3. Kabinet Općinskog načelnika
4. Služba za zajedničke poslove (za objavu na WEB)
5. a/a

Izradio AlmedinM_

Kontrolisao Benjamin M_

